



საჯარო სამართლის იურიდიული პირი

საქართველოს ინტელექტუალური საკუთრების ეროვნული ცენტრი საქპატენტი

ქ. მცხეთა

"20" 06

2013 წ.

ბ რ ძ ა ნ ე ბ ა № 913/03

სასაქონლო ნიშანზე სასაზღვრო ღონისძიებების განხორციელების შესახებ მოთხოვნის რეგისტრაციის თაობაზე

2013 წლის 7 ივნისის N 72560/03 განაცხადით შპს „ჯეოპასტის“ (მის: საბურთალოს ქ. №43 ბ. 13, ქ. თბილისი, საქართველო) დირექტორმა გიზო მალანიაშვილმა მოითხოვა სასაქონლო ნიშანზე „Geo Past“ (რეგ. N 23782) სასაზღვრო ღონისძიებების განხორციელების შესახებ მოთხოვნის ორი წლის ვადით სასაზღვრო ღონისძიებების განხორციელების შესახებ მოთხოვნათა რეესტრში რეგისტრაცია. სასაქონლო ნიშანი „Geo Past“ (რეგ. N 23782) საქართველოში რეგისტრირებულია 20.06.2013 წელს და მისი მოქმედების ვადა განისაზღვრება 20.06.2023 წლამდე. სასაქონლო ნიშანი რეგისტრირებულია 30-ე და 35-ე კლასის საქონლისა და მომსახურების ჩამონათვალის მიმართ. არსებული გარემოებების შესწავლის შედეგად და „საქართველოს ზოგადი ადმინისტრაციული კოდექსის“ 52-ე მუხლის, „ინტელექტუალურ საკუთრებასთან დაკავშირებულ სასაზღვრო ღონისძიებათა შესახებ“ საქართველოს კანონის მე-4 მუხლის, „საჯარო სამართლის იურიდიული პირის - საქართველოს ინტელექტუალური საკუთრების ეროვნული ცენტრის - „საქპატენტი“ დებულების დამტკიცების შესახებ“ საქართველოს მთავრობის 2010 წლის 3 ივლისის N181 დადგენილებით დამტკიცებული დებულების მე-6 მუხლის მე-2 პუნქტის „დ“ ქვეპუნქტის საფუძველზე

ვ ბ რ ძ ა ნ ე ბ:

1. სასაქონლო ნიშანზე „Geo Past“ (რეგ. N 23782) დარეგისტრირდეს სასაზღვრო ღონისძიებების განხორციელების შესახებ მოთხოვნა სასაზღვრო ღონისძიებების განხორციელების შესახებ მოთხოვნათა რეესტრში ორი წლის ვადით 30-ე კლასის რეგისტრირებული საქონლის ჩამონათვალის მიმართ (მოთხოვნის რეგისტრაციის N 276, მოთხოვნის რეგისტრაციის თარიღი 20.06.2013).

2. ეს ბრძანება შეიძლება გასაჩივრდეს საქპატენტთან არსებულ სააპელაციო პალატაში კანონით დადგენილი წესით სამი თვის ვადაში ან მცხეთის რაიონული სასამართლოს ადმინისტრაციულ საქმეთა კოლეგიაში (მისამართი: მცხეთა, სამხედროს N 17) ერთი თვის ვადაში.

თავმჯდომარე



ირაკლი დავიშაძე

ეგზავნება: საქართველოს ფინანსთა სამინისტროს შემოსავლების სამსახურის საბაჟო დეპარტამენტს; შპს „ჯეოპასტის“ დირექტორს გიზო მალანიას (მის: აბასთუმნის ქ. №8, ქ. თბილისი, საქართველო).



მსგლი დოკუმენტის სფორია
" 20 " 06 2017წ.
